



Universitätsbibliothek Paderborn

Diplomatvm Belgicorvm Libri Dvo

Le Mire, Aubert

Brvxellis, 1627

26. Otho III. Imp. Ultraiectinae S. Martini ecclesiae cathedrali an. 999. dat
districtum villae Bomelae, & alia praedia; supplicante Aufrido eiusdem
vrbis Episcopo. S. Henrici, eo nomine secundi ...

urn:nbn:de:hbz:466:1-10903

C A P V T X X V I .

Otho III. Imp. Ultraiectina S. Martini ecclesiæ cathedrali an.

999. dat districtum villæ Bonele, & alia prædia;
supplicante Ausfrido eiusdem urbis Episcopo.

IN nomine sanctæ & indiuividuæ Trinitatis. OTHO, superna fauen-
te clementia, Romanorum Imperator Augustus.

Si locis diuino cultui mancipatis alicuius honoris seu proprieta-
tis supplementum præbere studuerimus, in nostræ animæ & ^{carnis} felicitate nobis diuinitus remunerari procul dubio credimus.

Quapropter optamus, ut omnibus nostris fidelibus, præsentibus
atque futuris, notum sit, qualiter nos, ob remedium animæ nostræ,
parentumque nostrorum, nec non interuentu & simplici rogatu
Ausfridi, sanctæ Traiectensis ecclesiæ venerabilis Episcopi, & Fran-
conis reuerendi Præsulis nostri prædictæ sedis Traiectensis, ecclæ-
siæ in honore S. Martini confessoris constructæ dedimus, largiti-
sumus, & omnino concessimus omnem distentum super villam
Bonele, & super cuncta, quæ ad eamdem villam pertinent, videli-
cet publicæ rei subiecta.

Teloneum verò, monetam, & negotium generale fermentatae
cerevisiae, & quod vulgo Grunt nuncupatur. ^{Immo} quidquid in
iam dicta villa, ad publicum bannum siue districtum pertinere
visum est, in Comitatu Hinirongi Comitis, in pago Testerbantia
dicto, situm:

Atque eundem districtum, cum moneta, banno & teloneo, &
totius publicæ rei fruitione, prælibato cœnobio S. Martini confes-
soris penitus in perpetuum tradidimus.

Insuper sibi donauimus quidquid Popo, filius Wedigeri, habuit
in ministerium in eodem Comitatu. tali ordine, vt præfatus
Ausfridus venerabilis Præsul, suique successores, easdem res per
nostram confirmationem traditas teneat, disponat, ordinet & per-
fruatur, nostra omniumque nostrorum perpetualiter remota con-
tradictione.

Et vt hæc nostræ auctoritatis pagina firma permaneat, hanc ma-
nu propria corroborauimus, & sigillari præcepimus.

Signum

Grutt

Signum domini OTHONIS Cæsar is inuicti.

Heribertus Cancellarius, vice Willegisi Archiepiscopi, recognoui.

999. Datum II. Idus Aprilis, anno Dominice incarnationis nongentesimo nonagesimo nono, Indictione duodecima, anno tertij Othonis regnantis XVI. imperantis III.

Actum in Romano palatio, felici manu.

N O T A T I O N E S.

S. Henrici, e nomine secundi Cæsar is, stemma.

OTHO III. Imp. in Italia X. Kal. Februarij an. 1001. obiit: eius intestina Augustæ Vindelicorum, corpus Aquisgrani est conditum. Ita Contractus, Scafnaburgensis, & ms. Marianus Scotus. Successit S. Henricus: cuius stemma accipe.

Henricus Rixosus Bauariæ Dux, Henrici Aucupis Imp. filius, genuit ex Iuta, Arnoldi Bauariæ Ducis filia, Henricum Bauariæ Ducem.

Henricus ex Gisela, Conradi Burgundiæ Ducis filia, sustulit S. Henricum Cæsarem, & S. Brunonem Episcopum Augustanum: vt Antonius Albicius in Stemmatibus Principum Christianorum tradit. De S. Henrico, eiusque coniuge ac virgine S. Cunigunde in Fastis Belg. differui.

C A P V T X X V I I .

Radulphus vir nobilis, eiusq; uxor Gisla, Aicuriense Canonicorum XII. collegium in Gallo-Brabantia an. 1036. fundant: quod inde postea Louanium ad S. Iacobi adem est translatum.

IN nomine sanctæ &c indiuividuæ Trinitatis. REINARDVS Leodiensium Pastor indignus, omnibus qui sunt, & qui futuri sunt, in Christo pax & caritas multiplicetur.

Quia bene facta in lucem collocari volunt, vt per ea ad studium boni operis quam plurimi excitentur; sicut Dominus ait, Luceant opera